



UNIVERSITÄTS-  
BIBLIOTHEK  
PADERBORN

## **Regvlæ Societatis Iesv**

**Angeli, Bernardo d'**

**Romæ, 1616**

Regulæ Consultorum.

---

[urn:nbn:de:hbz:466:1-68329](https://nbn-resolving.org/urn:nbn:de:hbz:466:1-68329)



# REGVLAE

## CONSULTORVM.



- Officij gra-  
uitas .  
P. 4 c. 10. §. 7.  
& p. 9. c. 6.  
§. 14.
- Eorum partes  
P. 9. c. 5. §. 2.
- Pura inten-  
tio .
- Quomodo se  
habeant inter  
se .
- I**ntelligant quanti momenti sit eorum officium, vt Superiores eorum consilio, & relatione adiuti melius & facilius gubernare possint.
- 2** Sint amatores boni communis, illudq; in omnibus consultationibus præ oculis habeant: atque vt Diuinæ inspirationi dent locum, & saniora sint eorum consilia, in suo sensu non nimis abundant.
- 3** In consultationibus synceram intentionem habeant, & à perturbatione liberam, vt fideliter, & debita cum modestia, caritatis, & obedientiæ memores sententiam dicant.
- 4** Sint inter se maxime caritate coniuncti, & alter alterum honore præueniat, atque apud alios alter alterius existimationem verbis

verbis factisque tueatur. Si vero contingat aliquem in consultationibus diuersæ, aut etiã singularis esse sententiæ, nemo vllam ab eo alienationem, vel habeat, vel ostendat.

5 Rem, de qua consultatur, bene intelligant; nec sint in dicendo præcipites: sed negotio secum considerato, & oratione præmissa, præcipue cum de rebus agitur difficilibus, sententiam suam aperiant. quod si quid ex tempore discutiendum proponeretur, & id sibi maturius considerandum iudicarent, Superiori significabunt.

Quales sint in dicenda sententia.

6 Explicare breuiter debent sententiæ suæ rationes; quod si ad rem confirmandam aliorum rationes essent dissoluendæ, id etiam modeste faciant.

Breuiter rationes dicant.

7 Cum Superior Consultoribus auditis aliquid statuerit, iudicium ipsi suum illius iudicio submittent: neque extra consultationem, aut quod statutum fuerit, sibi displicere, aut se in aliã fuisse sententia significabunt. laudent potius Superioris consiliũ apud alios, atque tueantur. Quod si ob rei, de qua agitur, grauitatem, adhuc sentirent ad alium Superiorem esse rem deferendam, quod nihil monitione sua se effecturos sperarent, re prius apud se maturius considerata, & oratione præmissa, ad immediatum illius Superiorem, aut si is non prouideat, ad supremum id facere ne prætermittant.

Quid cum Superior aliquid statuerit.

8 Etiam

Quando proponere possunt.

8 Etiam si non interrogentur, si quid tamen in mentem venerit, quod ad commune bonum, vel alicuius personæ particularis pertineat, poterunt id Superiori proponere, ut is statuat, num ea de re sit deliberandum, nec ne.

Seruent secretum.

9 Consultores neque ea, quæ quisque in consultatione senserit, neque ea, quæ proposita sunt, aut definita, alijs significare debent; præcipue cum res ipsæ secretum exigunt. Superioris autem erit ea quæ definiuntur, promulgare, cum opus esse iudicabit.

De literis ad Superiorem mittendis.

P. 4. c. 17. §. 7.

10 De literis ad Superiores suo tempore mittendis, seruent diligenter quæ in formula scribendi à Consultoribus exiguntur. Et hæ literæ sigillo, quod apud Admonitorem erit, obsignatæ mittantur: nec quisquam eorum sciat, quid alius scripserit.

Possunt aliorum literas ad Generalem mittere.

P. 9. c. 4. §. 2. 3

& 4. & Can. 34. Cong. 1.

De quibus Superior, & quomodo monendus.

11 Si quis ex nostris ad Generalem scripserit, & literas Admonitori, aut alicui ex Consultoribus tradere voluerit; is acceptas cum suis, aut sub suæ propriæ manus inscriptione ad Generalem mittendas curabit.

12 Si quid circa victum, vestitum, labores, & occupationes Superioris, aut circa gubernationem, moderandum, augendum, vel mutandum censerent, illum præmissa oratione admonendum curent, quod fere per Admonitorem faciant.

13 Si quis cum eis de difficultate aliqua sua, aut perturbatione agat, ita eum suis monitis, & consilio iuuare studeant, vt semper, quantum possint, existimationem Superioris tueantur.

Superioris existimatio tuenda.

14 Ad omnia melius obeunda, Superiorum suorum, & aliorum Officialium Regulas teneant: Constitutionesque, & reliqua omnia, quæ ad nostrum institutum, & administrationem pertinent, familiaria sibi redant.

Cõstitutiones & reg. familiares sibi redant.

15 Ita suum munus exequantur, vt nullam gubernationis partem sibi assumant, atque ea submissione se gerant, vt ceteris Obedientiæ exemplum præbeant.

Quomodo suum munus bene obeant.



U RE-